



1995 *kol.komp.*

I. *Mog. St. D.*

P

Biblioteka Jagiellońska



stdr0003557



10974 1657. XII 55 2 Rub 2/11
PROEMPTICON
EPITHALAMICVM
IN NVPTIAS CELEBRERIMAS CON-
IUGVM MAGNIFICI AC GENEROSI
D. IOANNIS ZEBRZYDOVV-
SKI á Zebrzydovvice.

Capitanei Vartensis. &c.

CUM MAGNIFICA, AC GENEROSA VIRGINE
D. MARIANNA GRVDZINSKA
A GRVDNA. ILLVSTRISSIMI DN.
D. SIGISMVNDI GRVDZINSKI
á GRVDNA PALATINI RAVENSIS &c. &c.

Nec non Illustis ac Magnificæ
Dñ. D. Barbaræ Grudzinska
á Karśnice &c. Filiâ

Authore IOANNE PIOROWIC

POSNANIAE,

In Officina Typographica Ioannis VVolrabi,
Anno Domini 1611.

Scrapa pos. 4353.

IN VEXILLVM ET TVRRES CONIVGV
ILLVSTRIVM INSIGNIA.

GLORIA

PERENNE

DIADEMA



CONIVGV.

SUNT tibi tres Turres insignis. Gaudia Virgo,
Armatus miles liminibusque dant.
Sas laudis. Plus laudis habes Vexilla reponens.
Turribus, hæc tibi dæpansa Zebridovius:
Quid Turres, nisi sunt victor a cæcis triumphis
Vexillo posito gloria maior erit.

1995I.

MAGNIFICO AC GENEROSO DOMINO.

D. Ioanni à Zebrzydovvice Ze-
brzydovvski Capitano Vartensi &c.

Salutem ac perpetuam foelicitatem, &c.

IOANNES PIOROWIC.



Mnib⁹ innotuit, quàm præclaris omniq;
laude ac virtute insignibus proavis, ata-
uisq;, antiquissima progenies Zebrydo-
uiana originē ducat. Cuius maiores (vt
recensendâ longâ serie præcipuarū personarum eiusdē
prosapiæ supersedeam) in toga & armis plurimūm
Reipub. profuisse monimenta testantur. In quibus
cū Reges Regni Poloniae ardorem inesse quendam
singularem, Heroicosq; animos ad quavis audenda
non desiderari viderēt, eos ad summos dignitatis gra-
dus euehendo curarunt. Quæ tamen munia varia,
summa cum laude obibant, & in turbulento statu
Reipub. caliginē luce consiliorū suorum etiā non absq;
periculo salutis discutiebant. Cum itaq; in obeundis

negociis publicis, infractæ virtutis, summæ dexteritatis, animique magnitudinis inauditæ essent, non desiderabatur in aduersis fortitudo, & in custodienda libertate sedulitas. Atq; his gradibus, vt pote in Rēpub. meritis, ad summum splendorem virtutibus Heroicis domus Zebridouiana prouecta, vsq; cō posteritas in optimè de Repub. merendo, (vt recens memoria orbis testata manet) non deficit. Multum, profecto multum paterna virtus efficit, cuius splendor vt oleū aqua immersum repente enatat, in posteritate sursum vergit atq; efferuescit. Vt verò commodiùs eum antiquissimis amplissimisq; familiis, summum ius amicitia, summis officiis colere ac prosequi possit, id matrimonio confirmandum atque stabiliendum censeret. Quorum tu vnus, Magnifice Domine, te mihi modo offers, qui matrimonio quo nihil potest esse coniunctius, amicitiam ne vacillet, nunquam dirimendam cum antiquissima ac percelebri domo Grudziniana, corroborasti. Habes itaq; cur lateris, & vt maior ansa obrepat exhilarandi tui: hunc tibi libellum do, dedicoq; vt clarissimo

mo tuo nomine illustratus benignius se se cuiq; legendus inserat. Oro itaq; ac obsecro, vt hoc qualecunq; pignus tibi dicaui, æqui boniq; consulas. Exiguum quidem est opus, spero tamen, vt à tuo nomine cui consecratum est, magnitudinem, à tua humanitate cui commendatur, dignitatem sortiatur. Vale.



PANEGYRIS PEGASEIA.

SI qua fuit laudes dicendi vena P'òetis,
Et placuit Clariam sollicitare chelyn.
Nunc iam mille modis possint depromere vires.
Nobile par fædus, cum sociale subit,
Omnes cum laudent, eadem mihi famæ relicta est,
Iam læto fælix omine surgat opus.
Qui nemus Eurotæ, Claron, & Penëia Tempe.
Non dubitas Lechicis posthabuisse iugis
Hunc primùm Pataræe mihi concede laborem.
Sponso cum Sponsâ, metra canenda nouo.
Prodiit in lucem Zebridouî cura, puellæ
Possit ut æterno nubere connubio.
Incertus, quo fata ferant, ubi sistere detur
Obuia sollicito Grudnia Sponsa venit.
Multis ad metam thalami currētibus vni,
Vni hodie fauit, sic Hymenæus amor.
Est hodie noua nupta nouo sociata marito.
Vnica præ multis tu Marianna places?

Mouit

Mouit clara domus, mouère in virgine dotes.

Mille animi, vicit sic socialis amor.

Consiliis habitis, violent ne Hymenæa statura

Ingressi thalamum, mutus adsit amor.

Ite procul, procul ite, & in hospita quærite Tesqua

Dente Theonino carpitis Eumenides.

His Deus infudit castas in pectora flammæ

Auxit vīmotus æthereâq; pios.

Æternæ subeunt commercia mutua sortis

Integritate ambos ornat & auget Hymen.

Indubitata hæc Zebridoui, te fata manebant

Sponsa sit vt Prudens, sponse Pudica Pia

Traditur ecce tibi coniux, de sanguine tanto

De quanto soboles debuit esse tibi

Excedit stellas quantum Dea Cynthia noctis

Quæis non sufficiens splendor inesse solet.

Exsuperat tantum multas tua Nympha puellas,

Splendorisq; sui nobilitate præit.

Non fauit Boreas primum, qui tristitia iecit,

Nubila, sed Zephyrus quæ placuere dedit.

Ecce

Ecce fauente Deo, affulsit clementior aura

Votis in sociam est virgo dicata tibi.

Ritè. Tuum fulget generoso pectus Honesto.

Dignus es hoc thalamo, dignaq; Virgo toro.

Ipsa tibi nunc trahet aurea pollice fila,

Omni Phryxeam tempore nebit ouem.

Iam gratare tibi, Sponsæ gratare parenti,

Per quos es felix, tu fateâre, decet.

Ipse parens Sponsæ, generum sibi latus adoptat

Præstantem huic thalamo dexter Apollo, faue

Vos & Apollinæ (si debita posco) Camenæ

Este bonæ thalamis, coniugibusq; nouis.

Pronuba dum poscit, dum Sponsus & hospita turba

Concentu thalamum condecorate nouum.

Dum Zebridouium, & Mariannam perpete nexu.

A Grudna, Charites, faustus Hymenq; iugant.

Dumq; Pales epulas, dum pocla ministrat Iacchus

Spargit odoriferas dum Zephiritis opes.

Et modo dum Lechicis gaudens Feronia lucis

Gyrat Hamadryadum Pæan canente choros

Vos

Vos Hymenæa simul decorate Charistia Musæ,
Et Spōsus citharis, Sponsa que digna coli.
Cum Vestro est solitus quondam insudare Lycæo;
Nec mora Hyantæis hunc recreastis aquis.
Nunc varias causas obseruantissimus æqui
Et Themidos cultor, quò veneretur habet.
Illius ergo nouas, myrtoque & bacchare spondas
Cingite, quæq; suashic & obire vices.
Eia age laurigeras inter pulcherrima Musas
Surgito in Heroas Calliopea tubas
Legitimi sacra iura tori pare laude vehuntor
Virginitas vobis sit magè grata licet,
Gesta canens Clio, consortium exempla piorum,
Occinis, effluxam vitam vtriusq; refer.
Tinnula plectra gerens Erato pede, carmine, vultu
(Gaudia nam poscunt hæc Hymenæa) sali
Nomen amoris habes, castos moduleris amores
Diuus amor quales conciliare solet.
Tu quoq; da modulos, salibusq; Thalia modestis
Conuiuas hilara, sartaq; pone comis


B

Melpo-

Melpomene Tragico proclamās mæsta boatu
Iam modo læta nouos concelebrato toros
Terpsichore citharā gaudens, hilariq; choreā
Fac rotet arte agiles, hospita turba pedes
Conuiuas vario inter se sermone serentes
Euterpe Organico læta canore leues
Cui numeri, & cantus dederunt Polyhymnia nomē
Quæ loqueris, gestu cuncta notasq; manu
Dicito, connubium faciat quid nempe beatum
Quæ uē beata probes fædera amicitia
Nam quibus ornatā virtutibus esse puellam
Conuenit has etiam credo decere virum
Et Sponsum & Spōsam placidis hortatibus imple
Viuenti normam, ius thalamiq; doce
Ambo Sacramenti veneranda statuta iugalis
Munus & ambo suum, te retegente sciant
Quam deceat stabili nexu, quam fædere sancto
Ducere concordēs, & sine lite dies
Quo studio sobolem teneris educere ab annis
Numinis in laudes, in patriæq; decus

Sydera

Sydera quæ monstras tacitis famulantia fatis
Vrania ambobus fata secunda cane
In medio residens quando annuit omnia Phæbus
Dicite coniugibus carmina digna piis
Exoptent sponsis, thalami Deus author honesti
Vt beet omnigenis semper vtrumq; bonis
Vna fides sit, vtriq; amor vnus, & vna voluntas
Cælicus æternum iungat vtrumq; Polus
Sospes vterq; diu viuat, solatia cælo
Multa fluant, felix omnis vt annus eat
Virgo est nata viro : circumuolentur amores
Multiplici vestrâ prole triumphet auus.



ILLVSTRISSIMVS DOMINVS,
D. NICOLAVS ZEBRZYDOVV
SKI á Zebrzydovvice, PALATINVS
AC GENERALIS CRACOVIENSIS. SNIATINEN-
SIS &c. &c. CAPITANEVS, Frater Sponsi,
benè precatur Coniugibus.

ACCipe summe Deus, summi regnator Olympi
Quas pro coniugibus fundo tibi pectore voces
Non me prisca mouent, temno ludicra priorum,
Quæ affinxêre tibi, cæliq; Quiritibus olim,
Vana superstitio sileat. pudeat que nefandi
Criminis, esto nefas sedes temerare beatas
Cum pia relligio cælo caput extulit, omnes
Luce fugans tenebras, haud falsi numinis index
Vox nunc est mutāda, nouo nunc ore precandum
Dij pereantq; , Iouis iam vero cede Tonanti
Ad cuius subitò verbum emersêre creata
Omnia, & ex nihilo cepit splendescere mundus
Te qui cuncta regis mundi & radiandis Olympi,
Et

Et varias vario plantas in corpore vites
Te, inquam, te mea vota vocant, ut mutuū amorem,
Progeniem, nec non solatia cætera præstes
Connubio thalamoq; nouo, certabit uterq;
Dum vitâ dubiâ, Sponsus, & Sponsa vicissim

Et quāuis mortale genus nil promere possit
Laude tuâ dignum, semper laudumq; tuarum
Omnia plena sonent cælo, terrâq;, mariq;
Omnia sunt. Deus nostras tamen optime laudes
Non refugis, gaudesq; hominum pietate benignus
Clemensq; auxilium cælo demittis ab alto

Tu quoties libuit veluti deprompta reclusis
Thesauris, profers felicia flabra Bonorum
Effice felices, & conditione beatos
Effice concordēs, viuant sine lite diebus
Perpetuis, fac ignorent excedere metam
Iustitiæ, nodoq; Deus tibi nocte tenaci
Per te vita salus homini cunctisq; creatis
Accidit, omnia sunt manuum monumenta tuatum
Per te stat mundi & cæli pulcherrimus ordo

Tu vigor es rerum thalamiq; toriq; sequaces
Admirandâ pace ligas, tu nexibus vnum
Efficis & vinclo nectis fera corda tenaci
Tu thalamos socias noua tu connubia iungis
Da Deus vt maneant stabiles compagibus arctis
Et sint concordēs semel anibo federe pacto
Da Pater extremæ cum vitæ aduenerit hora
Te Præsente mori, pateat sibi Curia sancti
AETHERIS, exhilaret fons vinus, & aureus imber
Cælestis, sanctumq; tuum fac numē adorent
Credo preces audis, teneor tibi soluere grates
Semper honore meo, semper celebrabêre donis

PALATINIDA ET ECHO.

P. **Q**uis fragor insonuit, rectū nostrumq; repleuit
Aulanē contremuit, turbine concita E ita?

P. Pompa sonat veniuntq; viri per compita E cita
Fæminei sexus com meat omnis honos

P. Insidias vereor. Cur ventus in aëre stridet?

An mihi supplaudens assonat Echo E veho

P. Quo

P. Quo vehis an claustris E. plaustris P. discedito E. abi

P. Dic quæ sit cuius vota beata E. data (ro

P. Concedant iter hoc redimā, auro c. nerabo E. negabo

P. Nec malè, iuncta toro, namq; superstes ero

P. Ecce meum venit munimen honoris E. amoris

Cede Panompheo iam dabo vota Deo.

P. Addam me lateri Sponsi, proprioq; marito

Eius & ingrediar iam modo limen P. Hymen

Condoleant, sed sospes eat, lucebat E. habebat

Virtutum radios quæis decorata fuit

Exemploq; suo multos ornavit E. amavit

Sic vixit virgo, sic generosa E. rosa

Sponse insigne tuum vexilla reuolue paterna

Turribus ecce tribus concita turba ruit?

Exprimit ecce suum vultu Marianna E. Diana,

Moribus ore patrem, splendida luce E. duce.

Cui cordi pietas, virtus, probitasq; renidet

Quæ sibi conueniunt ex patre, matre E. patre

Turba frequens, letatur, ouat, gratatur honores

Quos Sponsus peragit Sponsaq; finit E. init

Vo.

Votis præmissis Sponsus es socianda E paranda
Omnia sunt thalami iura parata E rata
Egregius tandem Sponsus virtute decorus
Penelopem tollat, iam venit Io. E venit
Digna viro tali, pariter tu virgine tali
Secula Cumæque viuito mille E Sile
Dia virago præi placido pulcherrima vultu
Ecce præit Sponsus ductus amore E moræ
P. Credo moræ nullæ, signū probitatis E cati
P. Ire iubet læto fungar vt officio
P. Ibo caternatim, Deus est orandus E amandus
P. Fiet vtrumq; , intro iam penetrare E Vale.

LOGOGRAPHVS.

IOANNES.

PRincipium gaudere iubet, referendo triumphum
Nam data sunt placito vela secunda tuo
Pensa trahent famulæ, ancillæ noscesq; labores
Nominis hinc finis fila trahenda notat

ZEBRZY.

ZEBRZYDOVIVS.

Tolle pedis plantam, cognominis vltima specta
Est animal, quo nil mitius esse potest
Munus amoris habes, animal te mite dicatum.
Quale nec Idæis possis habere iugis.
Cætera despicias, violes ne iura mariti
Cum vitæ tibi sit commodioris iter

CAPITANEVS

Frons caput osq; docent, te non coluisse latebras
Apparet capiti quantus habendus honor.
Annuit ore, tori sponsus contentus honore
Principiumq; dari Sponsus honoris habet

VARTENSIS.

SIT caput & pectus, sedes tibi flumen amænum
Tanquam Nilus aquis quod rigat omne solum
Crura pedesq; truces tibi sunt, hinc mitibus esto.
Mitis, sed reprobis, igneus esto furor.
Tramite felici decurrito lustra Ioannes.
Zebridou, ad superas ibis onustus opes

Pran

P Æ A N.

Vade tori ductus Zelo sine præpete curs V
 Innuptus nullus repEret tentoria nupt I
 Vade valens en h B: Sponsa nō dispare lul V
 Adiuncti omnia iam Renuens vt munera seru A
 Triste nihil subeas Iacūda nec eminus ad sin T
 Integrū vitæ cursum Dent numina cæl I
 Omne falci iste rOrus datur auspice Christo O
 I fortunatus soci Vm cape, gaudia mund I
 Occine lo Pæan & Io ter dicite Spons O
 Inpositum offici Vm Spōs? sibi pectore for f
 Omne ferat, sit salui S in hoc, æuoq; futuri O.

TYPVS MATRIMONII

V Allus in amplexu sinus est vmbrosus opaco
 Motu vbi continuo fons scaturire solet
 Quo qui fonte lavat, si vir fuit exilit inde
 Ambiguo sexu semiuir Androgynos
 Sponsis forma duplex, duo corpora sunt, voluntas
 Vna sit, & facies coniugis vna viri

Fædere concordi, semperq; reciproca dentur
Suavia, & alternæ sint in amore vices
Dextris sponſorum coniunctis, dextra ſiniſtrum
Vna latus, dextrum aſt altera dextra notat
Illa fidem ſponſam, viuacem hæc ſignat amorem
Vnâ vt conueniant, hinc amor, inde fides
Vnica frugiferis operitur frondibus arbor
Arboris in ramis plurima degit auis
Cernimus vt roſtris det pabula sæpe columbus
Pullis, atq; vnâ turture turtur ouet
Proq; ſuo ſætu plumis ſpoliata Palumbes
Concordi cornix in grege ſemper agit.
Et ſua tranſfigit Pelicanus pectora, vitam
Dum pullis proprio ſanguine reſtituit
Arbor conubium, officium notat ore columbus
Miſto, ſed turtur ſignâ pudoris habet
Signat amicitiam cornix, pietate Palumbes
Gaudet, pullorum ſed Pelicanus amans
Sit veſtri pariter munus commune laboris
Comparq; augendæ ſollicitudo rei.

Cumque homines sis, multum ratione potestis
Vos potius deceat fœdus amicitia.
Hæc est connubij benè conuenientis imago
Signum in legitimo connubiale toro

NYMPHARVM MELOS.

Nymphæ dum resident ordine fontibus,
Laudes connubii, munia coniugum
Præsentis thalami, gesta celebra
Metris ritè nouis officia edocent.
Quæ dum plectra gerunt, omnia permeant
Cursim profiliunt, arte rotant pedes.
Audiui & Cytharæ dulce melos nouæ
Quæ laudant thalamum Zëbridouii hoc toro.
Innupti procul hinc cedite protinus
Virtus & pietas Zëbridouii obuia
Palmam connubii præripit omnibus
In Grudzinianâ per celebri domo.

Iam

Iam gaudet socio pro placito suo
Sponsus. Martis amor. Lechiadum decus
Quem bellis celebrem Martia fecerat
Olim claua virum, pro patris focis
Cerrantem intrepidè. Nomen in vltimas
Oras Zebriouñi tender, vbi infimus
Decurrit Tanais, cingit & Indiam
Ganges: quâue datur terminus Alpibus.
Ad festiua torigaudia, det Deus
Euentus placidos, coniugibus piis.
Tu pro muneribus, quæ tibi præstitie
Istis temporibus, Cunctipotens Deus
Grates supplicibus perface vocibus
Quo sentis toties subsidium dace
Et iam digna tuo munere præmia
Ex vtroque Polo centupla conferet.

INDISSOLVBILE
CONNVBIVM.

C 3

Cur

Cur fulmen ardens nubibus exilit
Densis? graui cur dissiliunt sono
Tormentabombos concitando
Pulvere multo onerata Martis?
Vno teneri nam nequeunt loco
Diuerfa summè: pondus habentia
Leuissimis rebus repugnant:
Frigida sic calidis vicissim.
Sic siccitati corporaq; humida.
Durissimis & mollia cedere
Sueuère, sic contraria vnâ
Sede diu nequeunt morari
Rumpi videmus sæpius (ô scelus)
Tædas iugales, quando pares vices
Non sunt amoris, nec coæquant
Diuitiis, pietate, honore,
Negociorum nil Hecale inquiunt
Cum Cræso habet prædiuite quid iuuat?
Regina si poscat maritum
Nomine qui vocitetur Irus

Sed

Sed iura sacri connubij, modo
Nullo reuelli à spiritualibus
Possunt, Deus nodo sacrato
Quæ ligat; hæc rata vult haberi.
Nodus magis quàm Gordius implicat
Sponso, ad ipsam ne temerè audeat
Morrem, licet causæ ferantur
Iura resolvere nuptiarum.
Hæc hæc recentis, vincula connubij
Mors sola quamuis tarda resolvere
Potest, tamen cælis secundo
lunget eos pietas, amorque.

CRESCIT AMOR CONNUBII.

Applicat vitis veienti suauem
Vinculo se vlmus, sterilesque per se.

Vi sua

Vi suā amplectens, vegetat, suoque
Ditat honore.

Applicat sic sponsa modo suavi
Se suo sponso, retinens fauorem,
Basilorum vi recreat, suoque
Complet amore.

Vita iis est vnaque, vitis vltimo
Necitur, sic virgo dicata sponso:
Nam bonum commune malumue vtrisque
Creditur esse.

Et viro vxoriq̃ue fides voluntas
Vna, qui viuunt similes eadem
Mente, fors est vna, tenent & a quo
Omnia iure.

Vnio sit magna decet, recentis
Hoc Sacramentum thalami requirit.
Hac & abducet ratione nullus
Casus vtrósque.

Hæc tibi sponso medicāda mitto
Clare gestis Zebridoui Ioannes.

Non

Non latet virtus tua, nec latebit
Omne per xuum.

Palmiteſcrescant benedictione
Numinis, poſthac laticeſ ſequentur
Myrtus, & Laurus : tibi Roſmarinus
Poſtorietur.

Te regat Chriſtus, thalamoq, præſit
Sponſe placetur, nec opem negabit
Nuptiis nuptiſ ut vtriſq, fauſtè
Omnia cedant.

FIDES ET CONCORDIA CONNVBII.

Si qua decet virtus deceat concordia Sponſos
Sitque ſimul pietas mutua, & vna fides
Hæc fides ſpecies, id habet concordia ſigni m
Ut quos iungit amor, iungat & ipſa fides

D

Hanc

Hanc si de medio tollas, discordia præceps
Aduolat, & secum tristia fata trahit

IOANNES ZEBRIDOVIVS
A ZEBRIDOVICE. CAPITA.
NEVS VARTENSIS.

Anagramma
DEVS BENEDICAT. INVENISTI
VIR SVAVES ROSAS. CARPE.
NODO ADIBIS.

CVM pateat Phæbi tot sæcula floridus hortus
Serta sibi iuvenes splendidiora parent
Laurus. Martis flos. Diuis in honore virescunt
Sedula dum irriguas Flora ministrat aquas
Ambobus laus est ingens, vnoq; potiri
Nam color & species floribus omnis inest

Quia

Quin Zebridouius vi Martis & artis abundans
Vtraq; diuerso tempore dona tulit
Laurus odore comas, post Martis tædia cinxit
Militiæ vt constet nobilioris honor
Iamq; fauens flori, nec habet vim Nympha negandi
Est bene. Nam nisi tu flore valere potes
Hortus cum pateat, potiores selige flores
Lilia quæ remediū sunt adhibenda vice
Huic DEVS omnipotēs thalamo BENEDICAT honesto
Floribus & Lauro Flora Maria bect
INVENISTI CARPE ROSAS SVAVES VIR amoris
Herculeo NODO strictus ADIBIS Hymen

IOANNES ZEBRIDOVIVS CAPITA-
NEVS VARTENSIS.

Anagramma

RITE INIS IVS TORI SPONSE.
VADE. SANE ABDVC VAS. N.

SI qua viro placeat nexu socianda iugali
Virgo. Sacramenti est lege iuganda viro

D 2

Virginis

Virginis ac primùm, matrisq; patrisq; voluntas

Omni bus est mediis inuenienda viro

Si iam virgo datur, sacratas iuret ad aras

Et faciant ambo debita vota Deo

Festus Hymen thalamum testetur & aurea pompæ

Ornamenta, frequens ornet amicus Hymen

Vnum veile, vnum fac, nolle requiritur vnum

Quos iuga sacra tori, fidaq; iura ligant

Olim Romani inuitas rapuisse Sabinas

Dicuntur, raptus causa cruoris erat

Priamides Helenam rapuit, Lucretia Romæ

Est oppressa, cadit crimine Tarquinii

Talibus exemplis mundus plerumque redundat

Audimus multos vi rapuisse nurus

Tu modò INIS IVS RITE TORI & Cōnubia SPONSE

Omni seruatâ conditione tori

VAS tibi debetur SANE velociter ABDVC

VADE tibi virgo plena decore datur

Littera quæ restat, millenos Nestoris annos

Innuir, vt vitæ sic diuturna dies

AD PA.

AD PATREM SPONSÆ.

Munus honorificum mihi donas: Magne Senator
Non immemor tui ut fauoris gestiam
Huius magna quidem sed maior gloria gemmæ
At maxima est necessitudo sanguinis
Filia sic gemmis ut & auro praeuallet: ergo
Fac gestiam tuæ fauore filiae

AD MATREM SPONSÆ

O Rnauit Mater passim vineta puellæ
Vnde fluunt plenis vina Falerna cadis
Hæc sunt virtutes: referat iam Barbara grates
Omnia pro tantis sunt facienda Bonis
Præsens Sponse Bonis nolis melioribus uti
Lilia verus odor. Filia verus honor

SPONSVS AD SPONSAM

I AM mihi Sponsa daris, grati summa munera Sponso
O decus, ô animi delictumq, mei
O me felicem, siquidem requiescere portu
Me licuit tali, nullus abusus erit
Æsonides non lætus erat sic Colchide, cuius
Phryxum rapuit nobile vellus ope
Andromede quondam monstris erepta marinis
Perseo iuueni, non ita grata fuit
Vt tua grata mihi est præsentia Sponsa marito
Assiduis precibus sollicitata meis
O dilecta mihi, multos quæsita per annos
Egrediâre, meum iam penetrale subi

SPONSA AD SPONSVM

Sponse colende mihi, tibi reddor Sponsa regenda
Accipe non renno, Sponse colende mihi

Sponse

Sponse colende mihi, vinclo sociata iugali
Sum tibi, tolle tuum, Sponse colende mihi
Sponse colende mihi, tollis me, tollo vicissim
Te, sumus ergo pares, Sponse colende mihi

AVTHOR AD SPONSV

DVM te collaudo, conor me tradere Ponto
Musa nequit laudes enumerare tuas.
Parce (breuî dicam) tua laus & fama manebunt
Dum voluet Nymphas in mare Varta suas



AV THOR AD SPONSV M

